



ASuBiH - Socijalni dan 2017



| O SOCIJALNOM DANU |

Socijalni dan je projekat koji srednjoškolcima, na jedan dan, daje priliku da zamjene školske klupe radnim mjestima. Na ovaj način srednjoškolci stiču svoje prvo radno iskustvo, pruža im se prilika da teorijsko znanje napokon primjene u praksi, ali i mogućnost da odlaskom na radno mjesto donesu odluku o njihovom budućem zanimanju.

Projekat sadrži veliki broj korisnih rezultata za zajednicu. Za svako radno mjesto na kojem srednjoškolac volontira, poslodavac je dužan da uplati dnevnicu za tog učesnika u **Fond Socijalnog dana**. Svrha ovog Fonda jeste da srednjoškolci volontirajući jedan dan prikupe novčana sredstva kojima će se finansirati projekti u lokalnim zajednicama. Na ovaj način dolazimo do zadovoljenja potreba mladih i zajednice jer preduzeća ulažu sredstva u svoju zajednicu i njene ambiciozne mlade.

Srednjoškolci iz svake lokalne zajednice koji učestvuju u projektu identificiraju probleme koji se nalaze u njihovoj okolini, te pišu projektni prijedlog za rješavanje istog kako bi ga riješili ili doprinijeli njegovom rješavanju u budućnosti. Na taj način oni sami već aktivno i odgovorno aktivistički djeluju u svojoj lokalnoj zajednici. Koriste svoju sposobnost da djeluju na promjene i ne čekaju da neko drugi riješi taj problem.

Socijalni dan je projekat koji provode mnoge omladinske organizacije u Evropi kao što je Italija, Njemačka, Danska, Srbija, Belgija, Norveška i sl. Zarađeni novac doniraju najčešće u svrhe financiranja projekata za mlade u nerazvijenim zemljama.

Svaka kompanija koja odluči biti partner na ovom projektu i da priliku srednjoškolcima da jedan dan provedu radeći u njihovim preduzećima u isto vrijeme investira u samu lokalnu zajednicu ali i u mlade ljude koji će jednog dana postati nosioci cjelokupnog društva.





| O NAMA |

Asocijacija srednjoškolaca u Bosni i Hercegovini (ASuBiH) je organizacija koja se kroz svoje aktivnosti i projekte zalaže za poboljšanje statusa srednjoškolaca u Bosni i Hercegovini, s ciljem da se stvore bolji uslovi obrazovanja u državi i međusobno povežu srednjoškolci.

ASuBiH je osnovana 04.11.2007. godine sa podrškom preko 250 srednjoškolaca iz cijele Bosne i Hercegovine. Inicijativu za osnivanje ove organizacije, pored samih srednjoškolaca, pokrenula je njemačka fondacija Schuler Helfen Leben (SHL- Učenici pomažu život) koja je i generalni donator ASuBiH-a.

Već dugi niz godina predstavljamo srednjoškolce u BiH, zagovaramo potrebe za rješavanje problema i podržavamo ideje srednjoškolaca širom države.

Organizacija trenutno broji preko **1 200 članova**, a način djelovanja u cijeloj BiH je preko **58 lokalnih timova** kojih u ovom trenutku postoje. Ono što djelovanjem želimo jeste da povećamo stepen uključenosti srednjoškolaca u procesu donošenja odluka koje poboljšavaju njihov status u društvu, kroz upoznavanje sa pravima srednjoškolaca i zastupanje ideja svih srednjoškolaca u Bosni i Hercegovini koje doprinose poboljšanju njihovog života u zajednici.

Naši ciljevi su:

- Međusobno povezivanje članova Udruženja sa ciljem unaprijeđivanja njihovog statusa u društvu, zaštite osnovnih prava i stvaranja boljih uvjeta života i obrazovanja;
- Kreiranje kvalitetnih kritičkih mišljenja vezanim za aktuelna dešavanja koja su od općeg značaja za srednjoškolce i predstavljanje istih javnosti;
- Zalaganje za poboljšanje položaja svakog pojedinog srednjoškolca u društvu i obrazovnom sistemu;
- Razmjena iskustava i znanja sa srodnim organizacijama u zemlji i inostranstvu.



ASuBiH je punopravni član OBESSU-a (Organising Bureau of European School Student Unions) kao mreže srednjoškolskih organizacija Evrope od 2009. godine. ASuBiH je do sada učestvovao na mnogobrojnim OBESSU događajima širom Evrope, a i organizovao neke u našoj državi.

Naša organizacija je do sada odradila niz projekata i aktivnosti kojim je uspjela okupiti i aktivirati preko 13 000 srednjoškolaca širom države.

ASuBiH se bavi educiranjem, povezivanjem i mobilizacijom srednjoškolaca, a sve u svrhu razmjene informacija i relevantnih znanja za srednjoškolce.

Suradujemo sa mnogim nacionalnim i internacionalnim organizacijama kako bismo, kroz razmjenu iskustava, naučili kako svoj rad učiniti efektivnijim i produktivnijim. Veliku podršku pri realizaciji „Socijalnog dana“ imamo od **SAME- Solidarity Action Day Movement in Europe** mreže koja okuplja evropske organizacije koje sprovode Socijalni dan.

Za više informacija posjetite našu stranicu www.asubih.ba i saznajte mnoštvo informacija o našem radu!



| REZULTATI PRVOG ASUBIH SOCIJALNOG DANA |

Prošle godine smo uspješno realizovali prvi ASuBiH Socijalni dan, 21. oktobra 2016. godine. Generalni donator projekta je bila Fondacija Schuler Helfen Leben a rezultati su slijedeći:



26 lokalnih zajednica



545 učesnika



238 preduzeća



8 000 KM

Uspješnom realizacijom projekta ćemo uskoro postati i punopravni član SAME-a (jer smo do sada bili samo pridružena članica te smo dobili njihovu pomoć pri organizaciji projekta) i jedini predstavnik Bosne i Hercegovine u ovoj evropskoj mreži.

Srednjoškolci, nakon uspješne realizacije prvog ASuBiH Socijalnog dana, sada i prvi put imaju priliku da dobiju finansijsku podršku kroz srednjoškolsku organizaciju za rješavanje problema u svojoj lokalnoj zajednici.

10 % od prikupljenog iznosa u Fondu se ostavlja za operativne troškove organizacije, a ostala sredstva se raspodjeljuju na osnovu javnog poziva koji je objavljen 12. decembra na stranici www.asubih.ba

Uspostavili smo saradnju sa nekoliko Općina/Gradova (Tuzla, Široki Brijeg, Tešanj, Fojnica, Istočno Sarajevo...); nekoliko velikih kompanija (CM, Vispak, Klas, Ina HoldINA...); ministarstvima (Federalno ministarstvo obrazovanja i nauke, Federalno ministarstvo trgovine) i mnogobrojnim lokalnim preduzećima, nevladinim organizacijama i sl.

Promocija projekta se prožimala tokom čitave godine na društvenim mrežama, portalima, TV i radio emisijama. Najznačajniji medijski nastupi su bili na: N1, Face TV, HAYAT TV – emisija Recept za dobar život, TV Alfa, RTRS i FTV.



| ASUBIH SOCIJALNI DAN 2017 |

Cilj nam je da svake godine povećamo broj učesnika koji će na jedan dan volontirati na radnim mjestima u preduzećima, te na taj način povećamo ukupan novčani iznos za projekte koji se nalazi u Fondu Socijalnog dana i pružimo priliku još većem broju srednjoškolaca da budu dio ovog projekta. Organizacije u Evropi koje realizuju ovaj projekat skupe prosječno oko 1,5 miliona eura godišnje, ali s obzirom na situaciju u državi ipak smo na realnim ciljevima, koji će se iz godine u godinu povećavati!

Kada ?

Ove godine datum volontiranja u preduzećima je **22.09.2017. godine.**

U ovoj godini, iz prošlogodišnje Fonda, će se realizovati projekti do kraja mjeseca jula, koji će biti odabrani na osnovu javnog poziva. U isto vrijeme aktivnosti pronalaska novih radnih mjesta u preduzećima za slijedeći Socijalni dan će biti u toku. Prije toga ćemo organizovati trening za lokalne koordinateore koji će dobiti zadatak da obave razgovore sa preduzećima u procesu pronalaska radnih mjesta. Na tom sastanku će biti edukovani o načinu prezentovanja ideje, lobiranju i fundraisingu te usavršavati svoje zagovaračke vještine.

Želja nam je da napravimo saradnju sa što više privrednika, vladinih institucija i sa što više ambasada i fondacija, kako bi ove godine preko 1 000 srednjoškolaca imalo priliku da volontira i dobije svoje novo radno iskustvo.

Nakon realizacije jednodnevnog volontiranja u preduzećima, otvara se poziv za dostavljanje novih projektnih prijedloga srednjoškolaca iz lokalne zajednice, nakon što preduzeća uplate dnevnice u Fond.

Proces selekcije projekata vrši Upravni odbor organizacije i 2 predstavnika srednjoškolaca – lokalnih koordinatora koji se odaberu na pripremnom treningu!


U 2018. godini se realizuju ove projekte aktivnosti i počinje priprema slijedećeg Socijalnog dana. Na ovaj način se može napraviti samoodrživost srednjoškolskih aktivnosti i organizacije, a sve u cilju poboljšanja situacije i statusa srednjoškoolca u BiH.



| PROMOCIJA |

Kao i prošle godine radit ćemo promociju u dva dijela, na lokalnom i državnom nivou. Sva preduzeća će biti predstavljena na lokalnim televizijskim stanicama kroz promociju projekta i portalima sa kojima imamo saradnju. A isto tako će biti predstavljen projekat na TV stanicama koje emituju svoj program na prostoru cijele države.

Promocija se vrši dva puta. Prilikom pronalaska radnih mjesta i nakon realizacije jednodnevnog volontiranja.





| SPONZORSKI PAKETI |

Prijatelj srednjoškolaca:

Vrijednost: Broj radnih mjesta u zavisnosti od mogućnosti partnera (partner može uplatiti novčani iznos u Fond u zavisnosti od svojih mogućnosti! Isto tako partner ne mora da primi srednjoškolce ukoliko to ne želi/ili se to kosi sa pravilnikom rada preduzeća.)



PROJEKTN
KOORDINATOR

*Amar
Kundalić*



amar.kundalic@asubih.ba



062 / 551 - 900



PROJEKTN
ASISTENT

*Nedim
Alibegović*



nedim.alibegovic@asubih.ba



062 / 140 - 987